

Pogrešno predstavljanje stava Visokog predstavnika o odbrambenim pitanjima

Visoki predstavnik, Paddy Ashdown, je juče pozvao na reforme u oblasti odbramenih struktura u BiH. U medijskom izvještaju o jučerašnjem sastanku između Visokog predstavnika i BiH Predsjedništva pogrešno je prenijeta izjava Visokog predstavnika.

Visoki predstavnik se juče fokusirao na potrebu za reformama, ističući da neće biti moguće pridružiti se Partnerstvu za mir bez reformi u oblasti odbrane. To je jedan od prioriteta Visokog predstavnika i spreman je tijesno sarađivati sa BiH Predsjedništvom po tom pitanju.

Ukoliko BiH želi biti spremna na daljnju integraciju u evropske i euroatlantske strukture u oblasti sigurnosti i odbrane, naročito u Partnerstvo za mir, ključni preduvjet je mogućnost države BiH da kao dio međunarodne zajednice djeluje samostalno u odbrambenim pitanjima. Za to su potrebne adekvatne strukture i procedure na kojima BiH Predsjedništvo trenutno radi. Visoki predstavnik apelira na sve bh. organe vlasti da podrže ova nastojanja.